

AKASHVANI AIZAWL

REGIONAL NEWS UNIT

REGIONAL NEWS BULLETIN

MIZORAM HIGHEST IN SDG

Hnahthial bialtu MLA Pu Jeje Lalpekhlua’n Hnahthial District in Sustainable Development Goals (SDG) (2023 atanga 2024) inkarah District ti tha ber nihna a hauh chu lawmawm atih thu sawiin India in kum 2047-a ram hmasawn nih a tumna atana kawng pawimawh tak anih thu a sawi.

Pu Jeje Lalpekhlua chuan Hnahthial District tanrualna leh mipui thawhrimna ramchhunga hriat hlawha a awm chu lawmawm atih thu sawiin an hlawhtlinna chuan hmasawn zel bakah phurna tam tak a pe tih sawiin India in kum 2047-a ram hmasawn anih tumna atan kawng pawimawh tak ani tih a sawi.

NITI Aayog-in hmarchhak biala District Sustainable Development Goals (SDG) Index report (2023-24) thawhhnihna a tihchhuahah Hnahthial district chu pakhatna a ni a, District ti tha zual 10 zingah hian Mizoram atangin Champhai chu pahnihna niin Kolasib chu pakuana a ni bawk a. Mizoram, Sikkim leh Tripura te chuan hmahruaitu Front Runner Status an kai pha tawh a. Heng state pathumte hian Aspirant category awm district an nei tawh lo a. DSDG Index report ah hian Northeast Region-a district 121 dinhmun tarlan a ni.



NASHA MukT BHARAT ABHIYAN

Social Welfare Department Director Dr. Lalhriatzuali Ralte chuan thalaite nunphung dik an zir theihna bul chu chhungkua ani tih sawiin ruihhlo do kawngah kohhran leh pawl hrang hrang nen tanrual a pawimawh thu a sawi.

Akashvani Regional News Unit, Aizawl-in sorkar laipuiin ram pum huapa ruihhlo do beihpui a thlakna, Nasha MukT Bharat Abhiyan hnuaia Mizorama hmalakna chungchanga Social Welfare Director Dr. Lalhriatzuali leh CYMA General Secretary Dr Malsawmliana te a kawmnaah he thu hi a sawi a, Dr Lalhriatzuali Ralte chuan Mizoramin a mamawh chu ruihhlo ngaiten an sim theihna tur, De-addiction centre bakah hemi hnua anmahni enkawl zuina tur, after care rehabilitation niin a lang a ti a, Social Welfare Department chuan chhungkua atanga bultun a pawimawh hle a an hriat avangin kohhran leh pawl hrang hrang te nen thawk hova, hmalak an tum a, ruahmanna pawh mumal taka an siam thu a sawi bawk.

Central YMA General Secretary Dr Malsawmliana chuan Central YMA inn ruihhlo ti khawlaia riak thin te chu Home hrang hrangah te an dah thin tih sawiin, TBCC, Sakawrtuichhun leh OKM, Phunchawng te chu an dah tam berna te an nih thu a sawi a, heng home te hian rawngbawl na a ngaiin, a leng zat aia tam an lo dawngsawng thin a, mutna indaih loh chang te a thleng fo thin a ti a. Sorkar leh mimal bakah hian Mizorama Kohhran liante chu hemi chungchanga hmala thei ber turah a ngai tih sawiin kohhran hrang hrang ten rescue centre an neih sa te aia lian zawk siam thei se tha a tih thu a sawi bawk.



MYANMAR REFUGEE

Champhai DC Pu Mohammed Aaquib chuan tun hnaia Myanmar atanga raltlan, Saikhumphai leh Vaphaia mite chu nimin khan tlawhin an harsatna tawh mekte a tahtawla sutkian sak a tum thu a hrilh.

Champhai DC hian Chin Naion Defence Force (CNDF) leh Chin National Army te tunlaia Vaphai ram kianga an inkah thin vanga Myanmar atanga raltlante chu Vaphai leh Saikhumphai ah tlawhin, Inthiarna, ei leh bar, damdawi leh khawsakna tur hmunhma buatsaih sak an nih tur thu hrilhin, sawrkar atanga tanpuina awm thei turte chu vawiinah Vaphai leh Saikhumphai ah thawn thlen hman beisei a nih thu a sawi.

Vaphai khuaah raltlan mi 80 vel awmin Saikhumphai hian mi 700 chuang zet raltlan an awm a, raltlan hi an luh belh zelin a then chu mimal inah thlen darh tir an ni a, Myanmar Sipai leh CNDF sipai tlan lut te chu Saikhumphai Health Sub Centre ah dahkhawm an ni a, Mizorama rawn luh tum mi 4, Tiau luia tlahlum te ruang chu Farkawn leh a chhehvel khua ten an zawng mek a ni.

(Lahlupuia PTC Champhai)



MIZO DIASPORA CELL

Mizo Diaspora Cell chuan Mizoram pawn hmun hrang hranga awm Mizo Association te chu Mizo Diaspora Hub ah in ziaklut turin an ngen tih an sawi.

Mizo Diaspora Cell Chairman Pu Vanlaldina Fanai chuan hriattirna ti chhuakin Mizo Diaspora Hub ah inziak lut theuh turin a ngen thu a sawi a, tarlan danin he DiasporaHub hi LushAITech te nena inremna an ziah anga siam a nih thu leh hman nghal theiha dahchhuah a ni a. State pawna cheng zofate inhriatpawhna leh a tul anga intanpuitawwna tur te, sawrkar hmalakna an lo hriat zung zungna tur leh sawrkara an mamawh an thlen theihna tur a nih thu a tarlang bawk.



PM MODI

Prime Minister Narendra Modi leh Brazil President Luiz Inacio Lula da Silva nimina inkawm chuan kum 5 chhung atana ram pahnih insumdawntawwna tur US Dollar billion 20 an pawm.

Prime Minister Narendra Modi chuan Brazil nen an thawh dunna tur ruahman chuan rah tha chhuah se a duh thu sawiin, India MERCOSUR Preferential Trade Agreement tih hmasawn nan hma an la dun dawn a ti a, Prime Minister hi Brazil chuan an ram chawimawina sang ber ‘The Grand Collar of the National Order of the Southern Cross’ hlan a ni bawk.

